



11. september 2020

UKA 2020/83

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imattoq matumuuna saqqummiuppara.

Qanoq iliornikkut aalisakkut tunisassiaanngitsut aalisarfiunngitsuni atorluarsinnaalerumallugit aalisartut isumannaannerusunik anginerusunillu aalisariutitaarsinnaanissaannik tapersiisinnaanerluta apeqquteqaat aallaavigalugu oqallissiassatut siunnersuut.

(Inatsisartunut ilaasortaq, Siverth K. Heilmann, Atassut)

Inuussutissarsiutitta pingaarnersaanni aalisarnermi, imartarujussuarput ilaannaminningua atorneqarpoq. Ukiuni makkunani, sinerissap qaniattuani pingaartumik saarullinniarnermi galeralinniarnermilu aalisarneq, annertoorujussuarmik aalisarfigineqarpoq.

Qujanaqaaq aalisarluartoqarmat aningaasarsiorluartoqarlunilu, peqassuserli illorsorumallugu, aalisarnerup siaarnerunissaanut nalilersueqqinnissaq avaqqunneqarsinnaanngitsoq oqaatigeqqikkusuppara.

Avatitsinniippuit aalisagarpasduit sulilu suliffissaqartitsillutillu Nunatta inuinut karsianullu aningaasarsiutigineqarsinnaagaluartut. Umiatsiaaqqat nutaaliaasut inuussutissarsiutitullu akuerisat inertiartortinneqartut atorneqarnerallu torrak.

Qanga aalisagarpasduaqrallarmat, aalisaataannarsornermiit ningittagarsornermut angallatit anginngitsut anginerumaallumi, sinerissap qanittuani avasinnerusumilu aalisagarpasduit ullormut tonserpassuit qallorneqartarput.

Pinngortitaq allanngorarnera aqussinnaanngilarput, pisuussutitali uumassusillit tammakarsinnaaneri takkusimaaleqqittarnerilu nalaattareerparput. Kilisaatersortut aalisakkut assigiinngitsut Nunatsinnilu tunisassiarineqarneq ajortut, assersuutigalugu Inalualik Nunatta avataanut kiilumut akisoqisumik tunisassiarisinnaappatigit, sooq nammineq aningaasarsiutigalugit tunisassiarisinnaannginnerigut apeqqusersuipput.

Aalisartut anginerusunik isumannaannerusunillu angallatitaartariaqarput massakkut aalisarfiunngitsunut avasinnerusumilu aalisarsinnaaqquillugit. Uagut tapersersueqataaffigisariaqarparput aalisartut periarfissillugit, nutaanik aalisakkanik massakkut tunisaanngitsunik qalluilersinnaanissaq siunertaralugu. Tapeeriaatsikkut erhvervpuljemittuuppata tulluarsarlugit immaqaluunniit aningaasaleeqqinnikkut, immaqaluunniit tapeeriaaseq nutaaq atulerneratigut nutaamillu misileraanikkut periarfissat ammaassornissaatigut uagut Inatsisartut massakkut oqallisigissavarput. Aalisartummi oqariartuutaat ersarippoq aalisagarparujussuit



massakkut suli qallorneqanngillat atorluarneqarnatillu, aalisariutillu tulluarnerusut anginerusullu pisariaqartinneqarput.

Taamaattumik inatsisartut Naalakkersuisut imaani nunamilu inuussutissarsior tagut peqatigiilluta, qulaani siunnersuutima qulequataa aqqutissiuunnissaanut, sulilu aningaasarsior nitta siuariartuinnissaanut kinguneqarluartumik oqallisigineqarnissaanut peqatiseraassi.